

PLOANIES SAN MARTIN Y LUNGIARÜ

Al vëgn recordé la funziun penitenziala che vëgn tignida ince sciöche na buna preparaziun ala festa da Nadé en jöbia dales 19.00 a Lungiarü y en vëndres dales 19.00 a San Martin.

SAN MARTIN

La Uniun di Èi inviëia düc i èi sura 30 agn da to pert ala lita dl consëi nù dla uniun di èi por i proscimi 3 agn. Les zetoles da lité é metüdes fora apé de dljia che vigni èl sura 30 agn é perié da implí fora y da dé jö te dljia cina en domënia, ai 19 de dezëmber.

La Uniun di Seniors da San Martin y Antermëia inviëia ala vijita dl Museum dles cripeles Maranatha a Luttach en sabeda, ai 18 de dezëmber. I piun ia da San Martin dales 13.30 cun i auti privac. Do la vijita dl museum junse a tó la picia marëna. Le cost a persona é de 10 euro. Präibel anunziessse cina en jöbia, ai 16 de dezëmber pro Maria Sottrovisc 338 17 51 839 o pro Alfred Ploner 333 36 54 786, ince por fá fora por le trasport. An mëss avëi le Green pass y le mascherot FFP2 por le trasport. Gnide a passé n bel domisdé te n'atmosfera da Nadé.

LUNGIARÜ

Cun reconescënza tol la Cöra da Lungiarü comiè da siur Franz Sottara, che é sté ploan a Lungiarü dal 1968 al 1976. I s'al recordun cun incherscimun sciöche n famëi umil, devot, fedel y sensibl por debojëgns dla jënt. Che Idî ti retes dotes les bries, fadies y fistidi ch'al á albü por nosta comunité da Lungiarü y toles sô siur Franz te so abrac de bunté y amur.

Festa de Santa Lizia:

Sciöche vigni ann festejunse ince en chësc ann, en lönesc, ai 13 de dezëmber, la festa de nosta Patrona Santa Lizia.

I sun tres ciamó condizioná dales restrizius Covid, ch'i messun respetè, mo i orun impó tigní alalt la veneraziun de nosta Patrona ch'i periun bel ch'ara lasces dé ite n rai de lominus te chësc tēp d'Advënt.

Deach'ara n'é nia garatada l'ultima edema é düc i seniors/les seniores da Lungiarü bel inviá/inviades al gosté en vëndres, ai 17 de dezëmber, do le Rorate tla Pizaria Fornata. Te chë ocasiun sarál ince la sentada generala dla Uniun por aprové le decunt dl ann 2021, la situaziun de cassa y le program por l'ann 2021.



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194



www.valbadiaonline.it/comunita

12.12. - 19.12.21 nr. 3

ultimo termo por comunicaziuns: jöbia, dales 20.00

TERZA DOMÈNIA D'ADVÈNT - C

Vangele do Lûca 3,10-18

Te chël tēp èl la jënt che damanâ Jan Batista: Cî désson pa spo fâ?
Al ti à respognü: Chël che à dui guané, ti an dais un a chël che nen n'á degun, y chël che à da mangé, fejes ince insciö. Al gnô ince publicans a se lascè batié y damanâ: Maester, ci désson pa nos fâ? Al ti à dit: No ghiredé deplü co ch'al n'é scrit dant. Ince soldas damanâ: Cî désson pa nos fâ? Y al ti à dit: Ne stede a maltratè degügn, ne recatede degügn, accontentésse cun osc paiamënt!
Le popul é plëgn de aspetanza,
y tl chît se damanâ düc,
sce Jan ne n'è nia forsc instës le Messia.
Mo Jan ti dê a düc la resposta:
Iö ves batiëi cun ega.
Mo al nen vëgn un che é plü sterch co iö,
y iö ne sun nia dëgn de ti dejciolè i cialzà.
Èl ves batiarà cun Spirit Sant y cun fûch.



Ci che Jan ghira dai publicans y dai soldas, ch'ai fejes so mistier indertöra, pê na cossa logica y ince na cossa che la gran pert é buna da fá.

Mo dôt val' d'ater ghirel dala "jënt", sciöche da me y da te.

Da nos ghirel cotan deplü, val' che é cotan plü ri da fá: da partí.

Nia ma da dé jö val', mo da partí mez mez.

Da chësc sunsi iö dër dalunc, y tan ert sura co a me ves vëgnel dessigü ince a os.

Tan saurida ne n'era nia cun la converjiun che Jan Batista pordica söl Iordan.


Y chësta radicalité vëgn te n per de risses plü inant ciamó plü sterscia.

"Èl ves batiarà cun fûch!" dij Jan.

Y ciamó plü inant baiel dl fûch te chël ch'al gnará sciuré chi che ne porta nia früt.

Gejú é bëgn gnü a salvé y nia a iudiché. Mo massa lisiera ne pói nia m'la tó.

Image

EDEMA	SAN MARTIN	LUNGIARÜ	 <i>I recordun siur Franz Sottara, che é nasciü ai 25.12.1935 y che á dit mëssa noela tl 1958 a San Martin, che é sté ploan da Lungiarü dal 1968 al 1976 y 18 agn degan de nosta valada, cun val strofa fora dla rima de Pio Baldissera por sü 50 agn prou:</i> <i>..... Ciamó dër jonn ëise spo metü man la vita da prou sciöche caplan: dala cöra da La Val sëise pié ia y inant por Sanciana por rovë sön Badia</i> <i>La pröma esperiënza sciöche ploan ëise fat tl paisc fodom San Jan, dailó ti ëise a pici y gragn fat da famëi por le tēmp de cin' agn.</i> <i>Rovë spo indô te nosta valada, osta secunda inciaria da ploan é stada tla ploania vijina da Lungiarü olach'i sëis sté da düc bëgnorü.</i> <i>Mo do ot agn s'á le vësko cherdé da jí sô La Ila a ocupé le post de osc fre, che n ri destin a so bun laur á metü adora na fin.</i> <i>Te dljia y te scora na buna istruziun tles gran verités dla religium ti ëise dé sô La Ila a pici y gragn por n tēmp lunch de dejesset agn.</i> <i>Osc bun laur é spo gnü onoré cun l'inciaria da degan che le vësko s'á dé y ince chësta alta misciun bele da chinesc agn fajëise dër bun.</i> <i>Osc laur da degan y ploan de Badia ves á dessigü costé trôpa fadia, mo al é dagnora sté caraterisé da na gran paziënza y umilté.</i> <i>Saludé le Papa te osta ploania y ti dé le bëgnnü sô Oies de Badia sará sté por os un di avenimënc plü bi che düc de cör ves á consintí.</i>
12.12.21 TERZA DOMËNIA D'ADVËNT – C <i>Gaudeté!</i>	9.00 Corona por + siur Franz Sottara 9.30 Gran Messa – Rorate por families de Albert Moling dl ann + Sepl Flöss + + + Pire, Frida, frater Martin Ploner y + + Richard y Brigitte Di Palma + + Trebo y Conrater	7.50 Corona 8.15 Gran Mëssa/Rorate por la comunité	
13.12.21 Lönesc <i>Lizia, Otilia</i>	19.30 Reunion di geniturs por la pröma comuniun	FESTA DE SANTA LIZIA Patrona da Lungiarü 8.30 Corona 9.00 Mëssa solëna en onú de Santa Lizia	
14.12.21 Dedolönesc <i>Jan dala Crusc, Franzisca</i>	16.00 Rorate dla Scora dl ann + Bino Pedevilla + Vico Pedevilla + Amalia Zingerle Clement + + Paula Pedevilla y Otto Clement (dl ann) fam. Bonacorsi - Capler		
15.12.21 Dedemesaledema <i>Cristiana, Nina</i>		19.00 Mëssa /Rorate + Rita Zingerle Clara + por les Püres Animes	
16.12.21 Jöbia <i>Adele, Albina</i>	7.30 Mëssa/Rorate + + Edith y Paul Prousch + + + Tone, Pire y Maria Unterweger a d'intenziun Corona por Vocaziuns	19.00 Funziun penitenziala d'Advënt	
17.12.21 Vëndres <i>Lazar, Iolanda</i>	19.00 Funziun penitenziala d'Advënt	7.30 Mëssa/Rorate + Vinzenz Clara Postin + + Sisto y Tî Clara	
18.12.21 Sabeda <i>Filip, Grazian</i>	19.30 Mëssa prefestia/Rorate Rorate por la Uniun di Èi Rorate por la Uniun dl Sport <i>(al sona n terzet)</i>	18.00 Mëssa prefestia/Rorate por Vëdui/Vëdues y Porsones sores por l'Uniun dl Cor de Dljia por les families de Monica Costa por les families de Consolata Rungger por vis y def. de fam. Egidio Schanung	
19.12.21 CUARTA DOMËNIA D'ADVËNT – C	9.00 Corona 9.30 Gran Messa – Rorate por le Consëi de Cöra familia de Albert Costabiei de rengraz. + Rita Costabiei	7.50 Corona 8.15 Gran Mëssa/Rorate por la comunité	